

terrarum orbe celebratissima fuit illa Sena orum curia, quam Hebraei sua lingua LISCAT HAGGAZITH appellare consueuerunt, cuius aedificii tantus splendor tantaque magnificentia fuit, ut totus terrarum orbis nibil ei simile, aut secundum habere uideatur. Causam uero cur synedrium eo in loco fuit constitutum apte exponit SALOMO BEN WIRGA k) quod iuri sacerdotibus dicundo iudicium LXXI. virorum fuerit praestitutum: שָׁמֶן מִפְנֵי שְׁעִקְרָה לְדוֹן אַת הַכֹּהֲנִים וְאָמְרוּ כִּי כָל בְּהַנּוּ שָׁנְמָצָא בְּנוּ פְּסָול וְנָדָע מִרְאֵן סְנַחֲרִין הִיה לֹבֶשׂ שְׁחוּרִים וּמוֹצִיאִין אָתוּ מִחְבְּרַת הַכֹּהֲנִים וְהַוְּלֵךְ אֶל בֵּיתוּ וּמִתָּאֵל וְאֵם לֹא נִמְצָא בְּנוּ פְּסָול יוּם הִיה עֹשֶׂה לְאוֹהֶבְיוֹ וְאָמַר בָּרוּךְ שְׁבָחֶר בְּזֹרֶעוֹ שֶׁל אַהֲרֹן לְשָׁرָת בְּקָרְשִׁים quod ibi conclave hoc exstructum erat, causa primaria fuit iudicandi sacerdotes, et dicunt quod omnis Sacerdos, si quid profanum in illo inueniebatur et a Synedrio magno deprehendebatur, nigris uestibus induendus et e societate sacerdotum eiiciendus est, atque in domum suam redibat et lugebat; Si uero nibil profanum in illo inueniebatur, diem festum amicis suis constituebat dicens: benedictus, qui elegit e semine Aharonis ad sacra exercenda in sancto sanctorum. Haec sufficient de loco huius confessus dixisse, plura hac in re si quis peruestigare cupit, adeat CONSTANTINVM L'EMPEREVR, l) qui quum de tota templi structura agit, etiam de huius conclavis situs fusius disputat.

Nunc etiam dispiciamus quis huius *confessus modus*, et quae *forma* fuerit? Formam subelliorum, quae occupabat summus Iudeorum Senatus a consuetudine omnium fere populorum in foris suis consideri, alienam fuisse, Iudeorum DOCTORES, qui nobis praecipue de

k) loco antea citato

l) ad titulum Talmudis Middoth cap. V, Sect. 3.